



Inatsisartuni ilaasortaq
Aleqa Hammond
Siumut
/MAANI

Attaveqaatit aammalu Assartuussineq pillugu Isumalioqatigiissitap malitseqartinneqarnissaa pillugit § 37 naapertorlugu apeqquteqaat nr. 2012-259-imut akissuteqaat

20. november 2012
Sagsnr. 2012-076713
Dok. Nr. 1066269

Asasara Aleqa Hammond

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Attaveqaatini pingaarnersiuiinissaq pillugu apeqqutinnut qujanaq, taakkulu matuma kinguliani akineqarput:

- 1. Aningaasaqarnermut naalakkersuisup aappaagumut Inatsisartut aningaasanut inatsisissaata 2013-moortup tusagassiortunut katersortitsilluni saqqummiussinermi oqaatigaa angallanermut tunngasutigut aningaasaliissutit aammalu assartuussinermut ataatsimiititaliar-suup innersuussutai pillugit pingaarnersiuiinissartik aningaasanut inatsisissap aappasaaneer-neqarnissaanut ilanngunneqarumassasut allannguutissatut siunnersuuteqarnermikkut. Tamannali pisimanngilaq apeqqutigiumavaralu sumik tamanna peqquteqarner-soq?**

AKISSUT

Aningaasaqarnermut Naalakkersuisup oqaaseqaat innersuussutigineqartoq ilisarinnannngilaa.

- 2. Inatsisartut qaqugu ilisimatinnegassappat assartuussinermut ataatsimiititaliar-suup innersuussutaanit Naalakkersuisut pingaarnersiui-neranut sanaartornissaannullu tunngasunik?**

AKISSUT

Akiitsunut aningaasaliinernullu periusissami, 2012-imi Inatsisartut upernaakkut ataatsimiinneranni aalajangiiffigisassatut Inatsisartuni saqqummiunneqartumi attaveqaatini suliassat, Assartuussineq pillugu Isumalioqatigiissitap inuiaqatigiit aningaasaqarnerat eqqarsaatigalugu imminut akilersinnaasutut ismaqarfigisai takuneqarsinnaapput. Tassalu qupp. 51-imi imm. 6.5-imi takuneqarsinnaavoq, suliassat maannakkorpiaq immikkoortunut marlunnut agguagaasut, taakkunanilu imm. 1-imiittut siulliullugit aallartinneqassapput, imm. 2-milu suliassat eqqarsaatigeqqinneqarnissaat misissoqqinneqarnissaallu pisariaqartinneqarpoq.

Suliassat uku imm. 1-imiipput:

- Nuup umiarsualiviata allineqarnissaanut business case-mik suliaqarnissaq.

- Qaqortumi inissiffissaq 2-mi mittarfiliornissami, tamatumunngalu ilanngullugu Narsarsuup matuneqarnissaanut business case-mik suliaqarnissaq.
- Uummannap aamma Qaarsut akornanni ataqatigiissumik aqqusinniornissamut angallatinillu attaviliinissamut business case-mik suliaqarnissaq.
- Thule Air Base-p inuinnarnut atorneqarsinnaaneranut, tamatumalu kingorna Qaanaap mittarfiata matuneqarnissaanut periarfissanik misissuineq.
- Ilulissat mittarfiata allineqarnissaanut business case-mik suliaqarnissaq.

Suliassat uku imm. 2-miipput:

- Nuup eqqaani silaannaap aalaruluttarneranik misissuinermi suliassat inaarutaasut, tamatumalu kingorna Imapik qulaallugu timmisartunut mittafiup inissiffissaa aammalu Nuummi mittarfiup pioreersup allineqarnissaa pillugu aalajangiineq.
- Tasiilap mittarfiani misissueqqaarnerit suliarineqarnissaat.
- Qaqortup aamma Narsap akornanni ataqatigiissumik aqquserniorneq angallatinillu attaviliineq.
- Nanortalimmi aamma Paamiuni mittarfiit pisariitsut.
- Sisimiut umiarsualiviata allineqarnissaa: Suleqatigiissitap suliaasa inernerisa 2012-imi upernaakkut saqqummiunneqarnissaat naatsorsuutigineqarpoq.
- Ilulissat umiarsualiviata allineqarnissaa: Suleqatigiissitap suliaasa inernerisa 2012-ip naanerani saqqummiunneqarnissaat naatsorsuutigineqarpoq.

Maannamuugallartoq Nuup umiarsualivianut tunngatillugu annertuumik suliaqartoqarpoq, tassanilu Qeqertani containerinut terminalimik nutaamik sananissap aallartinneqarnissaa pillugu Naalackersuisut tunngaviusumik aalajangeeqqammerput. Inatsisartut 2013-imi ukiakkut ataatsimiinneranni inatsisinik, pilersitsinermut inatsimmik, sanaartornermut inatsimmik aammalu umiarsualivinnut tamarmiusunut inatsimmik imaqartunik, umiarsualiviup nutaap, 2016-imi atorneqarnissamut piareertussatut naatsorsuutigineqartup sananeqarneranut tapertaasussanik saqqummiussisoqarnissaa naatsorsuutigineqarpoq.

Kiisalu Qaqortumi mittarfiliorsinnaaneranut periarfissat annertuumik suliarineqarput. Maannamut misissueqqissaarnerit ingerlallualereerput, neriututiginerporlu taakku inernerit taamatut tunngaviusumik aalajangiinissaq ajornarunnaarpat, erngerluni tunngaviusumik aalajangiinissamut tunngavigineqarumaartut.

Tamatuma saniatigut Sisimiut umiarsualiviat pillugu suleqatigiissitamik pilersitsisoqarsimavoq, suliarnik 2012-imi upernaakkut naammassinnittumik, maannakkorpiarlu Ilulissat umiarsualivianni alliliinissamut periarfissanik misissueqqissaartoqarpoq – suliap taassuma 2012-ip naanerani naammassineqarnissaa naatsorsuutigineqarpoq.

Matuma siuliani taaneqartut Assartuussineq pillugu Isumalioqatigiissitap
inassuteqaatai sukumiisumik suliarineqarput. Kisiannili aalajangiinerit
paasisimasaqarfiusunik tunngaveqarluni pisarnissaat Naalackersuisut
pingaartittorujussuaat, taamaattumillu suliassani tamani misissueqqissaarnerit
itisiliffiusut utaqqineqarnissaat pisariaqarpoq.

Inussiarnersumik inuulluaqqusillunga

Jens B. Frederiksen